



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. VIII. Expenduntur quæ à D. Petro Marca in favorem Regum Decretis Ecclesiasticis adversantium proferuntur cap. 10. 11. 12. & 18. lib. 4.

urn:nbn:de:hbz:466:1-38227

M. C
C A P U T V I I I .

Expenduntur quæ à D. Petro de Marca in favorem Regum Decretis Ecclesiasticis adversantium proferuntur capp. 10. 11. 12. & 18. lib. 4.

1. **Q**uamvis injuriam ferre plerumque laudabile sit, præcipue cum ab iis infertur, quibus alias parere tenetis; Eam tamen licet amovere, dummodo institutam à Deo, atque à legibus, viam sequaris. Est autem ea prima lex, ut nemo in propria causa Judex sit, nemo propriam ulciscatur injuriam; maximè ubi superior ejus, qui damnum intulit, adiri potest, ac jus dicere non recusat: Hanc equidem legem ad unguem servatam volunt in Gallia sacerdotes Judices, in iis causis, quæ apud ipsos judicanda sunt, & ab ea, si quis ex Clero vel tantillum recesserit, appellations ab abuso ac mulctæ intentantur. Quid ni ergo Judicibus Ecclesiasticis eadem regulâ uti licebit. Quia scilicet ad Regem, ut in temporalibus, ita & in Ecclesiasticis devolvere supremam autoritatem enuntiunt Aulici; Idque per gradus, & ordine quodam, ne injustitia tam citè deprehendatur.

2. Dominus de Marca lib. 4. cap. 10. refert litteras Philippi IV. Francorum Regis (cujus, ut jam notavimus, exemplum in rebus Ecclesiasticis, à tempore præsertim disfidi cum Bonifacio VIII. suspectæ autoritatis est) quibus litteris datis anno 1312. continetur Regem requisisse Episcopum Santonensem, ut abstineret ab exigendis Decimis de rebus, de quibus præstari non consueverant, & induxit novum decimiandi modum corrigeret: cùque spopondisse, si jus ad hoc habere crederet, se cum deliberatione sui consilii provisurum, prout, servatâ pace, & salute Ecclesie, & Patriæ, faciendum foret: mandasse autem Bailliaco, seu Senescallo Santonensi, ut, si Episcopus quod requirebatur, implere recusaret, aut nimium differret, bona ejus temporalia sequestrarentur, & ad manum Regiam tenerentur. Æquius fuisset, ut Episcopi Santonensis iusta exactio Metropoli-

tropolitani fuisse autoritate compressa; præsertim cùm, ut fatetur Marca §. 3. Decimarum cognitio, ex ipsiusmet Philippi IV. declaratione, pertineret ad Judices Ecclesiasticos. Sed vera, inquit §. 4. ratio, ob quam Philippus negotium istud sibi vendicat, è scandalo petitur. Frustra vero §. 5. autoritate S. Leonis, Anastasii, & alterius Leonis Episcopi Santonensis probare nititur, Principum esse, scandalum compescere. Id enim verum est in rebus Ecclesiasticis, dum ob improborum potentiam, & proterviam, Ecclesia hæreses, schismata, vel alia scandalum sistere non potest, Regumque opem implorat, vel dum sine periculo seditionis, homicidiorum, aliorumve malorum remedium ab Ecclesia expectari non potest, quod periculum tunc aberat, & tam raro contingit, ut hinc regula constitui non possit.

3. Rescriptis Regiis consultum semper fuisse libertatibus Ecclesiæ Gallicanæ affirmat idem Marca §. 6. Illud ita factum semper, probat hic libellis Comitiorum Turonensium anni 1493. Recentiora sunt illa monumenta, quām ut indē ostendi posse idem fuisse factum semper. Non negamus certè postremis his sæculis, Regni illius Ordines, etiam Clerum, Regiam autoritatem invocasse contra Romanum Pontificem; sed quæstio est, an laudabilis sit ille recursus, ut possit in argumentum juris assumi? Sanè, si ex fructibus ferendum est de arbore judicium, usum istum ad minus suspectum habebunt, quicumque jurisdictionem Ecclesiasticam illæsam cupiunt. Viam enim, ut alibi obseravimus, laicæ potestati aperuit, non solùm ut immunueretur debita sanctæ Sedi reverentia, sed etiam ut extingueretur ferè jurisdictione Episcoporum, aut potius ad tribunalia sæcularia traheretur. Itaque si propter temporis improbitatem, seu propter incommoda, in qua le Gallia conjecterat, Pontificum Avenionensium partes amplectens, aliquam habuit à necessitate excusationem; non tamen ejusmodi fuit exemplum, quod oporteat imitatione dignum judicare.

4. Prospectum erat executioni Bullarum, quibus certa privilegia Regibus pro terris, & fiscis Domanii Regii, à Romanis Pontificibus concessa fuerant, deputatis Conservatoriis. sed quia, inquit Marca §. 7. variis ludificationibus, & judiciorum

Y y y 3 for-

M. C
Libertatis
Ecclesie Gallicanae
GIII
331

726 TRACTATUS DE LIBERTATIBVS,
formulis negotium trahebatur, visum est Principi, tuitiois iure rem ad se re-
vocare. Putasne Conservatores privilegiorum ludificare, varia-
que judiciorum formulas excogitare, quo negotia, quæ Re-
gibus cordi sunt, tantum protrahant, ut ipsis necesse sit, au-
toritate propriâ, per bonorum captionem, & multas in-
flictas, Episcopos cogere ad revocandas excommunicationis,
aut aliarum censurarum sententias, non solum contra prohi-
bitionem Concilii Tridentini Gallis parum accepti, sed etiam
contra constitutionem Concilii Lugdunensis sub Gregorio X.
quod maximi facit Marca cap. 18. §. 3. & 4. licet illius verba
detorqueat, ut intento suo obesse non videantur. Ita scilicet
securum est, privilegia Principibus conferre, qui prætextu
conservandæ gratiæ collatæ, alia jura concedentis, quæ reli-
gioſius tueri deberent, sensim usurpant.

5. Hanc autem Ecclesiæ injuriam patienter tolerari vult pro
more suo Marca §. 8. quia graviores olim intulerunt Imper-
tatores. Ex quo intelliges, quod alibi monuimus, cum pe-
simis, & iniquissima exempla sæpè proferre, non ut omni-
nò probet (puderet enim, nisi saltem addito temperamento)
sed ut illorum comparatione innocua videantur, aut saltem
toleranda, quæ in Gallia hunc, injusta quidem, sed minus,
quam quæ ab Imperatoribus perpetrata sunt.

6. Cap. 11. §. 1. controversiarum de invasiæ jurisdictione
Principum altum silentium apud Veteres fuisse notat; quia
ab Episcopis antiquis sola Canonum disciplina curabatur. Si
quando se rebus Sæcularibus, aut judicandis, aut admi-
nistrandis immisserent, id sibi Legibus suo Sæculo latis indul-
tum profitebantur. Id planè verum: sed addendum, hodiè
controversiis hujusmodi Tribunalia sæcularia continuò per-
sonare; non tam quod Episcopi Principum jurisdictionem
usurpent, vel etiam Canonum disciplinam non curent, quam
quod Judices Sæculares, Ecclesiasticam jurisdictionem inva-
dentes, suam conquerantur fuisse invasam, aut violatos Ca-
nones; causisque spirituales ipsi judicent, nedum non per-
mittant Episcopis temporales. Cætera, quæ disputat hic Mar-
ca, sunt in lib. 3. suprà examinata.

7. Laudandus tantummodo est, quod in fine hujus capi-
tis sanius sentiat de Libertatibus Gallicanis, quam Papirius
Mas-

Maffonus : quæ tamen laus non est admodum insignis.
 8. Conciliis perinde , atque Summis Pontificibus obseruantur Galli , ut probat Marca cap. 13. dum sibi adversantur. Quæ quidem resistentia , ut minus culpabilis appareat , trito illo praetextu excusatur , quod jura Principum læsa sint ; quod si verum esset , non vi aut minis , sed modestiori , atque honestiori esset ratione reparanda injuria. Cui enim probentur hæc verba Henrici II. Regis Angliæ à Marca in fine §. 1. post Wilielmum Malmesburiensem relata. *Quid ad me de letteris Apostoliis? Jura Regni mei nolo amittere.* Sed nescio an justum cuiquam videri queat , quod ipsimet Principes pravorum Consiliariorum suggestione inter sua jura , quæcumque liber , recensant , ac postmodum adhibitis severioribus pœnis exigant. *Vetus* Gregorius VII. (ut verbis Marcæ §. 1. istius cap. 13. utamur) Urbanus II. & Paschalis II. excommunicationis pœna adjectâ , ne Episcopi , aut Clerici hominio , sed tantum fidelitate se Principibus adstringerent. Tamen Radulphus in Episcopatum Remensem , expulso Gervasio invasore , restitui non potuit , nisi prestito hominio. Factum excusat Ivo Carnotensis epist. 190. ex parte Radulphi , sed quis existimet idèo excusandos esse Ministros Regios , quia Episcopus Carnotensis cum S. Augustino monet Paschalem , ut ait Marca , ubi populorum strages jacent , detrahendum esse aliquid Canonum severitati , ut majoribus morbis sanandi charitas sinecera subveniat. Ita scilicet Aulici homines controversias Ecclesiæ cum Principibus componi curant , non detrectâ Principibus injuriâ , quæ irrogatur Ecclesiæ , sed intentatis Ecclesiæ majorum malorum minis , (ubi populorum strages jacent , & majores morbi) nisi Principum votis se se accommodet.

9. Apertiùs improbat Ivo coactos Clericos pauperes à Magistratibus Regiis ad persolvendas aliquas præstationes , contra quas Clerus Carnotensis privilegium speciale à Paschali II. impetraverat. Magistratus excusat Marca §. 2. vel saltem excommunicari non debuisse contendit , quia eorum injustitia erat dubia ; Et quod Clerici de rapina dannabant , Prepositi inter salario reuenerebant. Certè , si mutato nomine res apertè injustæ , evadunt dubiæ ; si satis est , ut Salarii , juris , alteriusve tituli colore obducantur , ut ab Ecclesia vindicari nequeant , nihil erit , quod sæcularibus in res Ecclesiasticas non liceat. At

re

M. C
Libre
Ecclesie
G III
331

728 TRACTATUS DE LIBERTATIBVS,
re ipsâ Præpositorum illorum manifestam fuisse injustitiam,
testatur Ivo his verbis epist. 271. non enim minuitur aliquid de jure
Præpositorum, vel auferatur. Sed Apostolicâ autoritate interdicuntur eis illicita
angaria & pauperum vexationes, quas non tantum Clericis, sed nec Laicis licet
exercere vel exigere, &c.

10. Capite 18. ut jam alibi probat Marca, exemplis scilicet;
Reges eorumque Officiales, per pignorum captionem. &
multarum exactionem cohibuisse Episcopos jurisdictionem
suam adversus Regiam defendantes censuris; sed sunt ejus-
modi exempla, quæ idè vult admitti, quia pejora, & à sa-
pientibus improbata edidit Justinianus. Quid enim aliud,
quàm vim illatam innuunt illa verba epistolæ 137. Iwonis à
Clero Beluacensi consulti circa controversiam inter ipsum,
& Ludovicum VI. de cognitione causæ cujusdam Canonici
ejus Ecclesiæ, quam Curia Regis ad se evocabat, Ecclesiastica
verò retinere conabatur. Si autem sciremus vos esse paratos, ut cum gaudio
tolerare possetis ruinas domorum, exterminationes corporum, rapinas bonorum
vestrorum, possemus vos exhortari, ut sequerentimi consilium Susanne, qua
magis elegit in manus hominum incidere, quam Dei legem derelinquere.

11. Quæ in tribus ultimis lib. 4. capitibus tractat Marca
de appellationibus tanquam ab abuso, lib. seq. expendemus,
alii jam alibi, prout sese obtulit occasio.

12. Sufficiunt, quæ haec tenus dicta sunt, ut quilibet agnos-
cat Illustrissimum Petrum de Marca concordiam inter Sacerdo-
tium & Imperium procurare his libris voluisse, eā tantum
conditione, ut quæcumque in Gallia geruntur à Ministris
Regiis, & secularibus Judicibus, patienter ab Ecclesia ferren-
tur, consideratis gravioribus injuriis olim Ecclesiæ illatis, aut
etiamnū metuendis, nisi temperamentum illud acceptetur:
Nec minus Episcoporum Gallicanorum, quàm sanctæ Sedis
jnra, ejus Autoris doctrinâ violari, ideoque non satis consul-
to agere, qui tantam ei autoritatem deferunt, ejus eruditio-
nis opinione du&t;, aut quod Galliæ adversus Romanum Pon-
tificem in nonnullis articulis favere videatur; cùm magis ei
cordi fuerit Principum adversus Ecclesiam, quàm Episcopo-
rum adversus Curiam Romanam causæ patrocinari, ac Præsidis
Regii eo in opere, ut ipsemet confessus est, potius quàm
Episcopi personam sustinuerit.

CA-